

*Tico Croes encuanto viahe di Promer Ministro Oduber pa Hulanda*

# Gobierno lo bay adopta posicion di AVP pa futuro estatal

*Bishita na Hulanda lo ta forma pa Gobierno por presenta cambio di opinion*

ORANJESTAD(AAN)--

Den un declaracion e Miembro di Staten pa AVP, Tico Croes, a elabora ariba e proximo viahe di Promer Ministro Oduber pa Hulanda. Tico Croes a mira e viahe aki como un oportunidad pa Gobierno por cambia di opinion encuanto futuro estatal.

E miembro di Parlamento pa AVP a indica cu ta poco dificil pa kere cu Promer Ministro Oduber ta bay Europa pa bay

papia cu inversionistanan. Si esaki ta berdad, Promer Ministro Oduber ta demostra atrobe cu e no conoce e cuadro di su labornan y cu e no ta duna realce na su funcion. Ta normal cu ambtenaarnan ta prepara caminda pa inversionistanan y cu despues e Promer Ministro ta atende cu nan. "Un Promer Ministro no ta un loopjongen," Tico Croes a duna di conoce.

Na parecer di Tico Croes e

viahe pa Hulanda mester worde mira mas bien como un oportunidad pa Gobierno por cambia su punto di vista encuanto Independencia. Promer Ministro Oduber lo ta bay te Hulanda pa worde informa cu Hulanda a conoce cambio den su posicion enfrente futuro estatal di Aruba.

Tico Croes ta visualisa cu ora Promer Ministro Oduber regresa e lo bin bisa cu ta AVP a pinta e

posicion di Gobierno di Aruba robez y cu asunto di Independencia tabata un joke.

Tur esaki lo sigui kita for di e seriedad, cu cual gobernantenan mester atende asuntunan estatal di Aruba. Tico Croes a muestra cu e asunto di pasaporte di prueba ya ta un muestra clasico di falta di seriedad.

Na su parecer, e declaracionnan haci pa gobernantenan ul-

timo tempo ta duna e thesis di señorita Werleman, cu kier mantene Pueblo bobo, razon.

Segun Tico Croes na Hulanda Promer Ministro Oduber lo bay topa cu e sugerencia pa leza e Nota prepara pa AVP bon, como cu e nota aki ta uno sano y serio. Na final Tico Croes ta pensa cu MEP y Gobierno lo bay adopta e pensamentonan di AVP encuanto futuro estatal.